

antiquarische Bibliothek

~~5. 11. 21~~ EX BIBLIOTH.
NATIONIS HUNGAR.
VITEBERG.

17-54.

SIGNAT. 1515CCCXIII.

III
3. R.



u
R.



Fragmentary text visible at the top edge: ...mbat sam...

Fragmentary text visible on the left edge: ...m...

Fragmentary text visible at the bottom edge: ...eston...



Bekentnisse

D. Georgij Maio

ris van dem Artickel der Iustification / dat ys / van der Vere / dath de Minsche allene dorch den Gelouen / ane alle vordienst / vomme des H. Eren Christi willen / vergeuinge der sünden hebbe / vnde vor Godt gerecht / vnde Erue ewiger salicheit sy.

Vnde van guden wercken / welckere deme warhafftigen Gelouen / alse fruchte der gerechticheit / folgen schollen.



Wittenberch.

Gedrückt durch Hans Lufft /

1 5 5 8.





Et ys hederman wol bewust / wo dath yck nu vele yare her / durch öffentlike Schriftenn / vnde von den Cantzeln / mit beschwerliker Vplage angegeuen vnde vthgetragen / also scholde ick van

dem Artickel der Justification anders / denn also ydt hilliger gödtliker Schrifft vnde der Augsbürgischen Confession gemess / holden vnde leren / Dewyle ick de strydige Proposition / Dat gude wercke Iustificatis, dat ys / den yennen / welckere durch den gelouen an Christum gerecht worden sind / thor salicheit van nöden / vordedigete. Wowol yck nu my voren in etliken Schriften also vorclare vnde entschuldiget / dat vele Godtfürchtige vnde gelerde Lude / so desüluige gelesen / mitt my wol tho freden. Jodoch vormercke ick / dath by mynem Jegendeel des calumnierens / schensdens vnde lesterns nene mathe noch ende syn wil / also ock / dath dardorch de Vniuersitet tho Wittemberch / vnde de Kercken desser Lande / dorch myner Weddersaker calumnien / se tho vnderdrücken / vordechtich gemaket / datho yck denne yo nicht gerne orsake geuen / besondern vele leuer desse Lande rümen wolde.

¶ ij Dewyle



225
Dewyle yett denne nu int vöffte jar tho
allen mannigfoldigem schriende / schriuende
vnde lesterende stille geschwogen / vnde alles
dorch Gades hülpe mitt gedult auerwunnen /
vnde dennoch / wo bauen gemeldet / dardorch
myne Weddersaker nicht können gestillet wer
den / So erfördert myne hoge nodt / dath yett
auermals vnde endtliken vor Gade vnde der
gantzen hilligen Christliken Kerken Gades /
myn Gewetē reynige / Vp dath / ock na mynem
tode yederman erfahren vnde wethen möge /
wat myne Lere vnde Bekentenisse van dessem
Artickel des Gelouens alle tydt geweest / vnde
noch sy / ock die tydt mynes leuendes / mitt Ga
des hülpe / syn schal / So wil ick von der Justi
fication kortlick desse Erkleringe don / wo de
süluige in hilliger göttliker Schrift / ock in
der Augsburgischen Confession begrepen.

Itemliken / Dat Euangelium leret / dath
wy vergeuige der sünden erlangē / vnde dath
vns gerechticheit thogereket wert / vnde de
hillige Geist vnd Erueschafft des ewigen Le
uendes gegeuen wert vth gnaden / vnd nicht
von wegen vnser vordenst / Besondern solckes
wert vns vmmie Christus willen geschencket /
so wy vertrauwen / dath vns Godt vmmie
Christus willen gewislick vergeuen wille.

Wente wo solckes vp vnserm vordenste
edder werdicheit stünde / so wörde wy vnge
wisse /

297
wisse/effte vns Godt vergeuen/vnde vns an
genamen/vnde vns gerechticheit thogere
kent/Wente dat herte findet nen eigen werck/
wenn wy Gades torne vnde gerichtē fōlen/
dat so wirdich sy/dath ydt vnse sūnde betale/
vnde so krefflich/dath ydt dat Werte trōste/
vnde vom ewigen Dode erredde/Ja/dewyle
de Natur vul böser vnde sūndiger lust ys/sin
den wy nene reyne werck vnde vultamenen ge
horsam yegen Godt in vns.

Darümme wert vns im Euangelio vor
geuinge geschēcket/vnd gerechticheit thoge
reckent/ane vnse vordenst/vmme Christus
willen/dath solckes gewisse sy/wo Paulus
klar leret/vnde strydet desse exclusiuam, Gratis,
dat ys/dath men mothe weten/das vergeuin
ge vnde thorekinge der gerechticheit nicht sta
vp vnsein vordenst/besondern vns im Euan
gelio vmme des WErn Christi willen ge
schēcket werde/vnangesehen/effte wy gelick
vnwerdich sind. Darümme (spreckt he thon
Rōmern am 4.) vth gnaden dorch Belouen/
vp dath de Thosage vaste vnde gewis bline.
Vnd schollen nicht twiueln/effte vns vorge
uen sy/besondern vortruwen vnde gelōuen/
dath vns gewislick vmme Christus willen/
vnse sūnde vergeuen sind/vnde gerechticheit
thogerekent ys.

Also erlangen wy vorgeuinge der sūn
de/vnde thorekinge der gerechticheit/vnde
A iij werden

25
werden Eruen ewiger salicheit/ dorch Gelouen / Darümme/ dath der Geloue nicht vp eigene werck edder werdicheit/ besonder alleine vp de barmherticheit Gades/ in Christo Ihesu thogesecht / sich vorlet vnde vertrouwet/ Wente de thogesechte barmherticheit vnde vorgeuinge der sünden/ wert anders nicht erkand noch entfangen/ denn dorch solcken Gelouen.

Wente Christus möth vör vnde vör de anfancē/ middel vnde dat ende vnser Justification vnde salicheit syn vnde bliuen/ vnde schöllen vnde möthen hiruan aller Mynschē werck vnde vordenst/ wo de ock mögen genand werde/ Precedentia, concurrentia aut sequentia, gantz vnde gar vthgeschlotē vnde affgesondert werden/ vp dath, desse Spröcke Sünste Pauli/ alse ein grundfeste bestah/ Deme/ de nicht mitt wercken vimmegeit/ gelouet ouerst an den/ de de Godtlosen gerecht maket / deme wert syn geloue gerekent thor gerechticheit/ na welcher wyse ock David secht/ dath de salicheit sy alle ne des Minschen/ welcherem Godt thorekent de gerechticheit/ ane thodoend der werck/ Psal. 32.

Van guden wercken.

Wenn nu de Minsche alse alleine dorch den Gelouen ane alle syne wercke vnde vordenste/ vth barmherticheit Gades/ vimme

vnnne Christi willen/vorgeuinge der sünden/
 gerechticheit/heiligē Geist/vnde Erneschafft
 der salicheit entfangen/alsē denne/segge yck/
 dacht im Menschen/alsē de nu in Christo Jhe
 su eyne nye Creatur geschapen tho guden wer
 cken/Ephe.ij.de nye gehorsam/welcker in gu
 den wercken/de Godt im Decalogo gebaden/
 alsē fruchte des Belouens vnde der vorherge
 henden gerechticheit folgen schal/welcker/so
 he nichten folget/ys ydt ein gewisse Teken/
 dath ein sodan Mensch/gewislick Christum
 nūwerle recht erkand/ock nenen warhafftigen
 leuendigmakenden gelouen gehat/noch des
 ewigen Leuendes deelhafftich geworden sy/
 na dem spröcke Pauli/i. Corin.vj. Lathet yuw
 nicht veruören/noch de Dorenyegers/noch
 de Affgödischen/noch de Ehebreters werden
 dat ryke Gades eruen. Item/Wol den geist
 Christi nicht hefft/de ys nicht syne/Rom.viij.

Wowol nu sölcke fruchte deme warhaffti
 gen Belouen folgen schöllen vnde möthen/
 yedoch ys de Minsche nicht van wegē solckes
 nyen gehorsams edder guden werck wegen/
 vor Godt gerecht vnde salich/Besondern/
 bliffet vör vnde vör/beth an syn ende gerecht/
 Gade gefellich/ein Kind vnde erue Gades/al
 lene vth barmherticheit Gades/vnnne Chri
 sti willen/dorch gelouen/welckes denn wed
 der des Osiandri essentialem Iusticiam, vnde des
 Interims Iustitiam inhærentem, quæ constat fi-

A iij de,

215
de, spe & charitate, ock wedder de Papistische
erdome / in der Lere van der Justification / alle
tydt schall vnd moth erholden werden.

W Irbeneuen ys ock dyt tho wethende / dath
so die Justificati / welckere durch den Gelouen
vergeuinge der sünden / gerechticheit / hilligen
Geist vnd erueschafft des ewigen Leuendes
entfangen / wedderumb in sünde fallen / vnde
darin beth an ere ende vorharren / wederum
me den Gelouen / gerechticheit / hilligen Geist /
vnde de erueschafft des ewigen Leuendes vor
leren / vnde an alle dessen hemlischen vnde ewi
gen güdern schypbrock lyden.

Op dath wy nu solcken groten Schat / so
wy vth barmherticheit Gades / ane alle vnse
werck vnde vordenst / vimme Ihesu Christi vn
ses leuen Middelerz vnde Genadenstoels wil
len / allene dorch Gelouen entfangen / nicht we
derumme vorleren / vnd ein schypbrock daran
ne lyden / yssset von nöden / dat men im Gelo
uen / angefangener Bothferdicheit vnde ge
horsam yegen Godt / vnde bewiesunge der gu
den werck / beth ant ende des leuendes vorhar
re / Edder / so yo einer wedder in sünde vth
schwacheit felle / dath he ock wedder Bothe
do / vnde vp nye sicc wedder dorch gelouen an
Christum bekere / nah dem spröcke Christi /
Salich ys de / dede beharret beth ant ende.
Item / 1. Tim. 1. Due eyne gude Kidderschop /
vnde

301

vnde hebbe den Gelouen vnde eine gude Con-
scientie / welckere etlike van sich gestött / vnde
am Gelouen schipbröcke geleden hebben.
Item / Apoc. 2. Wes truwe beth an den todt /
so wil yck dy de Krone des Leuendes geuen.

Als yck öuerst besser worde / Gude werck
sind den Gelouigen thor salicheit nödich /
myn leuenlanck wedder in mynen Lectioni-
bus / Predigen edder Schrifften / nurwerle
nicht gebrüket / berope yck my vp alle de yen-
nen / so myne Lectiones vnde Predigen gehö-
ret / vnde myne Schrifften gelesen hebben.

23
vid: f. f. pagina 203
lin: 10. 11. 12. 13.

Also öuerst Herr Niclas Amsdorff im
Jar 1551. ein Bökchen im Druck wedder
my hefft lathen vthgahen / In welkerem Bo-
ke nasolgende wordet stahn.

Maior hefft die reyne Lere van Gelouen /
Sacrament / vnde der Bothe vorfelschet / des
Antichrists Gadesdenst wedder vpperichtet.
Ick frage Jurge Maior / Wol wil dat wort
(Sola) im Artikel der Justification itzundes /
dewyle ydt am höchsten van nöden ys / nicht
streiden? Wol schrifft / dath de Geloue vor-
nemlich salich make? Gude wercke thor sa-
licheit nödig sind?

DD bin yck dorch solck des Herrn
Amsdorffs schryuend / dewyle he my einē vor-
felscher der reynen Lere van Gelouen / Sacra-
ment

ment vnde der Bothe / vnde einen afftrünnli-
gen Mammelucken öpentliken lasterde / my
wedderumme tho vorantwerdende gedrun-
gen worden / welches yck vmmme fredes vnde
enicheit willen leuer gelathen hedde.

In myner demödigen Antwort / dede
Anno 1552. im Druck vs vthgegahn / stahn
desse wort / Pagina Cij.

Esste wol gude werck van wegen des
schuldigen gehorsams yegen Godt nödich
sind / so sind se dennoch nicht de vordenst /
van welckeres wegen wy vergeuinge der sün-
den / Gerechtigheit / hilligen Geist vnd dat ewi-
ge Leuen hebbēd / wente desse güder hefft vns
allene Christus dorch syn hillig Lydend vnde
steruend vordenet / welckere wy dorch den Ge-
louen allen entfangen.

Nu hadde yck gehapet / ydt scholde Ams-
dorff mitt desser myner Antwort / wo veel an-
dere Godtfrüchtige gelerde Lude / tho freden
gewest sind / Jdt hefft öuerst sölcke myne Er-
klerunge desse frucht geschaffet / dath tholyke
vp eine tydt / ym Numbörgischen Marck-
de Anno 1552. dre Schrifften / Amsdorffs /
Illyrici vnde Galli / tho myner vnderdrückin-
ge sindt vthgegahn.

Derhaluen bin yck echter dorch solck er
Schrinend / my wedder tho vorantwordende
vnde

vnde tho erklerende gedrunge worden / efft
se my doch verstahn / vnde mitt my tho frey
den syn wolden / vnde de Kercken nicht wyder
turberen vnde bedröuen.

W**U**bbe derhaluen einen Sermon van
Sünste Paulus Bekerunge tho Epytzick im
Druck Anno 1553. lathen vthgahn / vor wel
chem Sermon desse Erklerunge steyt.

Summa desser Erklerunge.

Dath de guden werck / welckere Godt
gebaden / vnde de neye gehorsam den
Belöuigen vnde kindern Gades yegen
Godt erem Vater thor salicheit nödig sindt /
nicht desülunge dardörch tho vordenende /
(welckere se allbereyt / derwyle se Gades kinder
sindt / vth gnaden / allene dörch den Belouen
hebben) Besondern alsē werckinge des war
hafftigen Belouens / vnde des hilligen Gei
stes / vnde alsē fruchte der gerechticheit vnde
weddergeborth / welckere dem Belouen vol
gen möthen / vnde ane welckere / alsē ein
gudt Boem ane gude fruchte / de yennen / so
warhafftich gerecht vnde nye gebaren / nicht
syn können noch schöllen.

I**U**tem / Dennoch schal dat Werte nicht
vp solcke verniering vnde wandel der guden
wercke / sonder allene vp den vorgestelleden

B ij Gnaden

205.
Gnadenstuel Christum Ihesum / alsē den ei-
nigen grundfest / sich stedes vōr vnde vōr vnde
allene vorlaten.

*scil: ih: Oblato sine mēia
d sine et necessaria.*

Vth besser Erkleringe erschynet genoch-
sam / dath yet nicht stryde / alsē my schuld ge-
geuen / wo vnde wordōrch de Minsche ge-
recht vnd salich werde / Besondern wenn he-
nu gerecht vnde salich worden / wat in eine
desse gnade wercket / Vnde dath der Antino-
mer wrenel ydel Dūnelische lögen sindt / wel-
ckere dichten / dath se Belouen hebben / effte se
gelyck in vntucht / Ehebrock etc. leuen vnde
vorharren.

W hadde yet anermahls gehapet / | se
scholden vordan my vnde de Kercken vnbe-
drōuet vnde vnturberet gelaten hebben / Wat
ōuerst vor ein vnweder södder der tydt wedder
my in velen Förstendomen vnde Landen /
dorch manichfoldich schriend vnde schriuend
erwecket / vnde noch ane alle mathe vnde vp-
hören geitt / ys yderman wol bewust / Tho
welckerem allem yet nu beth int vōffte jar ste-
des geschwēgen / vp dath de Kercke Gades
nicht wyder turberet wōrde / vnde sind etliche
erer Scribenten so wrenel / dath se schriuen
dōren / de guden Wercke sind schedelick thor
salicheit / Item / de hōgest kunst der Christen
sy / nen Gesette wethen / sölcke reden alsē se lu-
den / stercken der Antinomer vnfinnlichkeit /
vnde

vnde veler Minschen gottlos vnd wöste le-
nen.

Ick wüste ock dorch Gades gnade / my-
nen Weddersackern wol tho antwerdende /
wil ydt öuerst vimme fredes willen / vnde rou-
we der Kercken / nenen hader vnde kyss mehr
dardorch tho erregende / vnderwegen lathen /
vp dath yck nicht gehalten werde / alse söchte
yck myne ehre / vnde vordan allent wat hierö-
ner my van mynen Weddersackern wedderfa-
ren wert / mynem leuen Godt im Demmel /
vnde allen fromen Christliken herten beuelen /
vnde tho bedenkende heimgestellet hebben /
vnde mitt desser korten Schrifft vnde bekent-
nisse vor Godt vnde der gantzen Kercken Go-
des betüget hebben / wo so danes ock myne
andere veelfoldige Schrifften betügen wer-
den / dath myne meininge van der Rechtferdi-
ginge / vnde den nahvolgendē guden wercken /
der Augspurgischen Confession alletydt ehn-
lick vnde gelyck gewest ys / vnde mitt Gades
hülpe / de tydt mynnes leuendes syn schal / ock
desse Bekentnisse vor Christo an ynneem dage
don / Vnde dyth alles also darby bliuen vnde
wenden lathen / my hiermede vor Godt vnde
syner Kercken entschuldiget / vnde niemandes
tho mehr zancckendes orsake geuen / Mitt er-
bedung desser wort / Gude wercke sind thor
salicheit von nöden / van wegen der falschen
düdinge / wider nicht tho gebrukende / wo yck
my denne dersülnigen wort / rede ettlicke jar
entholden.

B.

B iij Dewyle



24
Dewyle yet my dnerst thom frede vnde
einicheit erbede / vnde nu endtliken genoch
sam erkleret / ys derhaluen an alle Christlike
Auericheit myne vnderdenigeste vnde demödi
geste bidde / se willen ere Theologen / Par
heren vnde Predigers ock darhen holden /
dath de Kercke Gades nicht wyder / dorch ta
gelikes lesterent / schrient vnde schriuent turbe
ret vnd betröuet werde .

Gdht der gedult vnde des trostes gene
vns / dath wy einerley gesinnet syn vnderman
der nach Ihesu Christo / vp dath wy ein
mödigen / mitt einem munde lo
nen Gott / vnde den Vader

Ihesu Christi /

Amen .

Ere sy Gade in der högedel /
Vnde Frede vp Erden /
Vnde den Menschen ein Wols
geuallent .



307



306

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.



lung VI 54

ULB Halle

3

003 896 110



56a



293

Bekentnisse

D. Georgij Maio

ris van dem Artickel der Iustification / dat ys / van der Lere / dath de
 Minsche allene dörch den Gelouen / ane alle vordienst / vomme des H. Eren Christi
 willen / vergeuinge der sünden hebbe / vnde vor Godt gerecht /
 vnde Erue ewiger salicheit sy.

Vnde van guden wercken / welckere deme warhafftigen Gelouen / alse
 fruchte der gerechticheit / folgen schöllen.



Wittemberch.

Gedrückt durch Hans Lufft /

1 5 5 8.

